

代之入自承明門東戶就版大臣宣喚大夫等少納言稱唯出自同戶立屏幔外北向喚之親王以下依次稱唯訖參入諸仗與親王以下侍從以上自東戶文人自西戶式立定大臣宣侍座親王以下稱唯謝座謝酒參議以上升自東階就座次五位以上六位已下各以次就座內藏寮給紙筆墨少時參議一人立南檻喚五位已上文人翹楚者一兩人稱唯自舞臺南度馳道升自東階就大臣後宣進題大臣取奏訖復本座文人成篇畢進文臺下稱官姓名跪開筥納之先是內膳司益供御膳主膳監益供東宮膳大膳職益賜五位已上并六位已下文人饌一兩觴之後吉野國栖於承明門外奏風俗少時女樂參入奏樂訖式部少輔進取文臺筥自舞臺北度馳道經左近仗東就廊村內侍進經舞臺東南復座掃部寮撤文臺訖皇太子拜舞次親王以下五位已上六位以下出於庭中拜訖復本座于時大藏省積祿物於舞臺以南掃部寮預儲積祿床辨大夫進奏祿數內記進宣命文於大臣外記亦進見參侍從及文人交名大臣摠取奏覽等事如常訖上下群臣避座列立宣命大夫降殿就版宣制曰天皇我詔旨止宣不大命乎衆諸聞食止宣上下群臣稱唯再拜訖更宣旨今日波九月九日乃菊花豐樂聞食日爾在故是以御酒食倍惠良岐退止爲毛奈常毛賜酒幣乃大物賜止宣群臣拜舞復本座賜祿有差文人亦同或評定詩等

〔延喜式十一〕

太政官

凡九月九日御神泉苑賜菊花宴於次侍從已上及文人大臣行事所司供設如常事見儀式

〔延喜式十九〕

式部九月九日菊花宴

應召文人者前二日省簡定文章生并諸司官人堪屬文者造簿預令宣告當日質明掃部寮設座如常輔以下就座計列文人即造名簿卿若輔以名簿奉進內侍事見儀式餘節應召文人者准此九月九日文人雖未進奏且令

〔西宮記九月〕

九月九日宴。停止時給宣旨式部外任者可預文人者大臣奏聞仰外記藏人催坊家依請奏

給飾物宣旨御帳左右付菜菓囊御前立菊瓶有臺承平以後依御忌日無節會天曆依詔十月被

行殘菊宴